

XITATIMENDE XA VUHANGALASAMAHUNGU MAYELANA NA KHEYISI YA XIBALO YA SHL WHOLESALERS EKHOTO

Tshwane, 7 Khotavuxika 2024 – Vukorhokeri bya Xibalo bya Afrika-Dzonga (SARS) byi tiyisisa leswaku Gauteng South Regional Division yi gwevile Suhayle Ballim, xirhoxoxe xa SHL Wholesalers CC (SHL) eka ku khotsiwa ko kongoma ka 15 wa malembe mayelana no xisa nhlango. Ballim u hehleriwilwe ku rhumela tinhundzu ematikweni mambe hi vuxisi ku suka eRhaphabuliki ra Afrika-Dzonga ku ya ematikweni man'wana ma le Afrika (swixaviselavambe swa vuxisi), leswi fikiseke eka ku va yena na SHL va koxa Xibalo xa Mixavo (VAT) lexi nga fanelangiki. Kheyisi yi tekile 14 malembe ku yi hetisisa ekhoto hi mhaka ya mihlwelo leyi vangiweweke hi Ballim tanihilaha swi boxiweke hakona hi majisitarata.

Ballim na SHL va rhumerile mitlheriso ya VAT 201 ya vuxisi eka mikarhi ya VAT ya 39 ku sukela hi Nyenyenyana 2004 ku fikela Dzivamisoko 2007, laha xibalo eka swixavisiwa xa tinhundzu leti tivisiweke leti xavisiweke hi vuxisi eka titlilayente eMozambique na Zimbabwe ti fikeke ti va mpahlankahakeloxibalo, laha, hi le tlhelo swi fikiseke eka mivuyiselo ya VAT ya vuxisi leyi nga na ntsengo wa R15 607 587.86 leyi hakeriweke hi SARS

Ndzavisiso lowu rhangeriweke hi Yuniti ya Ndzavisiso wa swa Vugevenga ya SARS, wu katsile switirhwana swa musecho na ntekelo, leswi endliweke eka tindhawu ta mabindzu na vutshamo bya phurayivhete swa SHL na Ballim hi ku landzelelana, laha matsalwa ma vuxisi ma swixaviselavambe, tiinivhoyisi, tinoti ta miphakelo, minongolokogondzo na bili ya swixavisela vambe (DA550) swi vhumbunuriwile. Ballim u tirhisile mivuyelo ku suka eka mivuyiselo ya vuxisi ku hlayisa mahanyelo ya yena tanihi musayiniyexe eka akhawunti ya le bangi ya SHL.

Khomixinara wa SARS, Ttn Edward Kieswetter, u khensile SARS na tiejensi tin'wana ta nsindziso wo landzelela nawu, ku katsa na Xiyenge xa Vuchuchisi xa Rixaka, Vukorhokeri bya Maphorisa bya Afrika-Dzonga eka ku tinyiketela ka vona eku tiyisiseni leswaku Ballim na SHL va chuchisiwa eka swendlo swa vona. U te, "Hungu ra twisiseka no twala ra leswaku SARS yi nge wisi kumbe ku tiyisela lava tinghenisaka eka vugevenga no kayeta nkwama wa tiko eka leswi wu kolotiwaka swona. Vahakelaxibalo lava hanyaka vutomi bya manyunyu, ku tlula maendlelo mo tshembeka, hi ku yivela lava khumbekaka swinene eka vaaki va fanele va hlangana na

switandzhaku; SARS yi ta endla swi nonoha no durha eka lava ti nghenisaka eka vugevenga.

Mayelana na vuxokoxoko byo tala, u komberiwa ku tihlanganisa na SARS hi ku tirhisa SARSMedia@sars.gov.za.

MAKUMU